



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, In Dominicas Anni Totius
Meditationes

Družbicki, Kaspar

Ingolstadii, 1732

VD18 9006643X

Feria II. Dominicæ Paschatis.

urn:nbn:de:hbz:466:1-45459

circumdedisti me lætitia, ut cantet tibi gloria mea,
 & non compungar amplius meâ tristitiâ aut im-
 perfectione atque peccato, sed tibi semper in
 novitate serviam Redemptori Domino Deo meo
 naternum.

Feria II. Dominicæ

Paschatis.

1. Loquebatur ad invicem de his.

Audi querelas duorum istorum discipulo-
 rum, dolorem de Christi morte, insuper
 incredulam desperationem; & vide, quām fa-
 cilē in peccata proruant homines, cūm à Dei
 præsidio discedentes, suæ nimirum industriæ sa-
 pent æque fidunt.

2. Dum fabularentur & secum quærerent.

Attende quām facile sit JESUM allicere. Lo-
 quere bona, loquere de JESU, & ipse JESUS
 appropinquans ibit tecum. O verè deliciæ tuæ
 JESU, esse cūm filiis hominum, ad quos tam fa-
 cilē pellici te sinis. O me ingratum! qui tam
 facilē medio tam raro utor, & cui dubium quod
 tuam præsentiam non amem? cui dubium quod
 per me solum stat quominus te mecum habeam?
 Iamē ibi homines cupidissimè agunt, ubi suas de-
 licias habent, illucque facillimè trahuntur, ubi
 dicunt esse quod amant. Quia ergo tu propter
 sermones nostros de te habitos, ad nos accurris,
 certum est tuas inter nos delicias esse. O anima
 mea si JESUM amas, hoc illi amoris argumentum
 exhibe; ama sermones pios, de illo loquere, &
 ipse appropinquabit tibi!

3. *O stulti & tardi corde.*

Christus errantes & desperantes discipulos erroris admonet, magnamque hinc capit voluptatem, ut te suo exemplo doceat, nulli parcendum industriæ laborique, quoties proximi tui egent ab errore, tuâ operâ, liberari, ad virtutem, excitari; cum nullum aut tibi utilius opus, aut Deo gratius præstare possis, quam educere pretiosum à vili, animam è peccato. Totis ergo viribus in eam curam incumbe, & jam nunc totum te Deo commenda.

4. *Qui fuit vir Propheta.*

Vide quibus titulis ornent JESUM hi discipuli. Fuit vir Propheta, Potens in opere & sermone coram Deo & omni populo. Quantum ergo potes elabora, ut in his Salvatori tuo quam simillimus efficiare.

5. *Et aperti sunt oculi eorum.*

Coactus Christus fuit ad manendum cum discipulis invitatus hospitio. Vide jam quomodo liberalem compenset animum; redivivum se illis clare ostendit, eorumque animos donis ornat. Esto securus ô homo; si quid Dei causâ facis, non vincendum abs te Deum. Qui credit Deo, feneratur; cum fænore enim debitum recipit. O liberalitas cum Deo! Utinam aliquando tui amor, studium, exercitiumque corda nostra occupet! Quis nolit aureum credere, ut centum aureos recipiat? sanè aut Deus mihi mendax est, aut parum promissis ejus fido, si parcus sum in Deum, si non sum in Deum dives.

Feria